



ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM

Зajедничка комисија за људска права

Zajednička komisija za ljudska prava
Zajedničko povjerenstvo za ljudska prava

Broj: 03/6-50-14-12-11/25

Veza akt broj: 01,02-50-15-675/25 od 18. 3. 2025.

Sarajevo, 14. 4. 2025.



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PARLAMENTARNA SKUPŠTINA BOSNE I HERCEGOVINE

PREDSTAVNIČKI DOM

- DOM NARODA

PRIMLJENO: 15-04-2025			
Organizaciona jedinica	Klasifikaciona oznaka	Redni broj	Broj priloga

Na osnovu člana 55. stav (1) i člana 64. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24 i 73/24), te člana 45. stav (1) i člana 54. Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15, 53/16 i 71/24), Zajednička komisija za ljudska prava podnosi sljedeće

MIŠLJENJE

o Izvještaju o radu Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čiji je potpisnik Bosna i Hercegovina ili drugi sud u skladu sa zakonom Bosne i Hercegovine za 2024. godinu

Nezavisna komisija za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čiji je potpisnik Bosna i Hercegovina ili drugi sud u skladu sa zakonom Bosne i Hercegovine (u daljnjem tekstu: Nezavisna komisija), na osnovu člana 52. stav (11) Zakona Bosne i Hercegovine o izvršenju krivičnih sankcija, pritvora i drugih mjera - službeni prečišćeni tekst („Službeni

glasnik BiH“, broj 22/16) i člana 11. tačka (g) Poslovnika Nezavisne komisije („Službeni glasnik BiH“, broj 23/11), dostavila je Izvještaj o radu za 2024. godinu, akt broj: 05/6-50-15-675/25 od 12. 3. 2025.

Kolegij Predstavničkog doma Parlamentarne skupštine BiH je na 57. sjednici, održanoj 17. 3. 2025, kao nadležnu za razmatranje Izvještaja o radu Nezavisne komisije odredio Zajedničku komisiju za ljudska prava, koja ga je razmatrala na 11. sjednici, održanoj 14. 4. 2025, u svojstvu nadležne komisije.

Nakon rasprave o sadržaju Izvještaja i svim navedenim preporukama, Zajednička komisija za ljudska prava, **jednoglasno je prihvatila** Izvještaj o radu Nezavisne komisije, **uz preporuke sadržane u Izvještaju:**

1. Potrebno je da uprava Zavoda za izvršenje krivičnih sankcija, pritvora i drugih mjera kontinuirano radi na proširenju radno-okupacionog tretmana zatvorenika, a prilikom određivanja i upućivanja zatvorenika na radno-okupacioni tretman posebno uzme u obzir trenutne psiho-fizičke sposobosti zatvorenika za obavljanje pojedinačnih poslova.

2. Potrebno je da Vijeće ministara i Ministarstvo pravde BiH ulože napore da se što prije osposobi i pusti u funkciju ženski paviljon u Zavodu za izvršenje krivičnih sankcija, pritvora i drugih mjera kako bi sve zatvorenice i pritvorenice nad kojima se izvršavaju krivične sankcije i druge mjere koje je izrekao u krivičnom postupku Sud BiH bile na jednom mjestu.

3. Potrebno je da uprava Zavoda za izvršenje krivičnih sankcija, pritvora i drugih mjera vodi računa da se rješenja o produženju pritvora, ako su zaprimljena, blagovremeno dostave pritvorenicima.

4. Potrebno je da se ustanovi tačan postupak prijenosa ovlaštenja od upravnika Zavoda za izvršenje krivičnih sankcija, pritvora i drugih mjera BiH na druga lica u slučaju njegovog odsustva ili službene spiječenosti obavljanja dužnosti, u skladu s važećim zakonima i propisima, kako bi se osiguralo zakonito i nesmetano funkcioniranje Zavoda.

5. Potrebno je da Ministarstvo pravde BiH što prije donese potrebne zakonske akte koji su neophodni za provođenje postupka unapređenja zavodskih službenika i popunjavanje

odgovarajućih radnih mjesta u Zavodu za izvršenje krivičnih sankcija, pritvora i drugih mjera.

6. Potrebno je da Ministarstvo pravde BiH što prije omogući obavljanje godišnjeg sistematskog pregleda za sve zaposlene u Zavodu za izvršenje krivičnih sankcija, pritvora i drugih mjera, s posebnim naglaskom na mentaino zdravlje zaposlenih.

7. Neophodno je da uprava Zavoda, u saradnji s Ministarstvom pravde BiH, kontinuirano radi na popunjavanju radnih mjesta u Zavodu za izvršenje krivičnih sankcija, pritvora i drugih mjera BiH, u skladu sa usvojenim Pravilnikom o unutrašnjoj organizaciji i sistematizaciji radnih mjesta.

Za izvjestioca na sjednici Predstavničkog doma određena je Aida Baručija, dok je za izvjestioca na sjednici Doma naroda određen Radovan Kovačević.

Predsjedavajući Zajedničke komisije

Radovan Kovačević, v. r.